

აივ-ინფექციის/შიდსის ადრეული გამოვლენისა და მკურნალობის სახელმწიფო პროგრამა

მუხლი 1. პროგრამის მიზანი

პროგრამის მიზანია:

- ა) აივ-ინფექცია/ შიდსის გავრცელების შეფერხება;
- ბ) აივ-ინფექცია/შიდსით დაავადებულთათვის მკურნალობის ხელმისაწვდომობის უზრუნველყოფა.

მუხლი 2. პროგრამის ამოცანები

პროგრამის ამოცანებია:

- ა) აივ-ინფექცია/შიდსზე მაღალი რისკის ჯგუფის პირთა კონსულტირება და ტესტირება;
- ბ) აივ-ინფექცია/შიდსით დაავადებულთა უზრუნველყოფა ამბულატორიული მომსახურებით;
- გ) აივ-ინფექცია/შიდსით დაავადებულთა უზრუნველყოფა სტაციონარული მკურნალობით.

მუხლი 3. პროგრამის მოსარგებლები

1. პროგრამის მოსარგებლები არიან საქართველოს მოქალაქეები;
2. მოსარგებლე ამ პროგრამით გათვალისწინებულ მომსახურებას იღებს სახელმწიფო დახმარების სახით.

მუხლი 4. პროგრამით გათვალისწინებული მომსახურების მოცულობა

1. აივ-ინფექცია/შიდსზე მაღალი რისკის ჯგუფის პირთა ნებაყოფლობით კონსულტირება და კვლევა, რომელიც გულისხმობს:

- ა) აივ ასოცირებული მაღალი რისკის ქცევის მქონე პირთა აივ ინფექციაზე კონსულტირებას;
- ბ) აივ ასოცირებული მაღალი რისკის ქცევის მქონე პირთა აივ ინფექციაზე ტესტირებას (სკრინინგული და კონფირმაციული გამოკვლევები);
- გ) აივ ინფიცირებული დედის ახალშობილის ტესტირებას აივ ინფექციაზე სკრინინგული და კონფირმაციული (პოლიმერაზას ჯაჭვური რეაქცია) მეთოდებით.

2. აივ-ინფექცია/შიდსით დაავადებულთა უზრუნველყოფა ამბულატორიული მომსახურება, რომელიც გულისხმობს:

- ა) პირველ ვიზიტს;
- ბ) განმეორებით ვიზიტს;
- გ) ოპორტუნისტული ინფექციების მკურნალობას და პროფილაქტიკას;
- დ) ინსტრუმენტულ დიაგნოსტიკას;
- ე) ანტირეტროვირუსული მკურნალობის მონიტორინგს;
- ვ) ექიმის ვიზიტს პაციენტთან.

3. აივ-ინფექცია/შიდსით დაავადებულთა უზრუნველყოფა სტაციონარული მკურნალობით, რომელიც გულისხმობს:

- ა) შიდა ინდიკატორული დაავადებების ლაბორატორიულ-ინსტრუმენტულ დიაგნოსტიკას და მკურნალობას;
- ბ) აივ-ინფექცია/შიდსის თანმხლები დაავადებების (მაგ: ღვიძლის უკმარისობა და ა.შ) ლაბორატორიულ-ინსტრუმენტულ დიაგნოსტიკას და მკურნალობას.

მუხლი 5. მომსახურების შესყიდვა და განხორციელების მექანიზმები

1. პროგრამას ახორციელებენ საქართველოში ლიცენზირებული დაწესებულებები, რომლებსაც გააჩნიათ აივ-ინფექცია/შიდსის მკურნალობაზე შესაბამისი ლიცენზია. შესყიდვა განხორციელდება „სახელმწიფო შესყიდვების შესახებ“ საქართველოს კანონის შესაბამისად.
2. ხელშეკრულების პირობებს, ანგარიშსწორების ფორმებსა და წესს, განსაზღვრავს სააგენტო და ინფორმაციის სახით წარუდგენს სამინისტროს.

მუხლი 6. დაფინანსების მეთოდოლოგია და ანაზღაურების წესი

1. მომსახურება ჯგუფდება კატეგორიების მიხედვით და ფინანსდება ნოზოლოგიური ჯგუფისათვის დადგენილი საშუალო ღირებულებით. პროგრამით გათვალისწინებული სერვისები ანაზღაურდება სრულად (არ ითვალისწინებს თანაგადახდას პაციენტის მხრიდან)
2. მაღალი რისკის ჯგუფების პირთა აივ-ინფექცია/შიდსზე ნებაყოფლობითი კონსულტირება და კვლევა

№	ღონისძიების დასახელება	ერთეულის ფასი ლარებში
1.	მაღალი რისკის ჯგუფების პირთა აივ ინფექციასა/შიდსზე ნებაყოფლობითი კონსულტირება და კვლევა	
1.1.	სისხლში აივ ანტისხეულების განსაზღვრა იმუნოფერმენტული ანალიზის მეთოდით	13.2
1.2.	სისხლში აივ ანტისხეულების განსაზღვრა სწრაფი/მარტივი მეთოდით	14.8
1.3.	ტესტის წინა კონსულტაცია	6
1.4.	ტესტის წინა კონსულტაციადა სისხლის აღება	7.62
1.5.	ტესტის შემდგომი კონსულტაცია	6
1.6.	ექიმის ვიზიტი პაციენტთან და კონსულტაცია	9.12
1.7.	ექიმის ვიზიტი პაციენტთან , კონსულტაცია და სისხლის აღება	11.1
2	სკრინინგული გამოკვლევით პოზიტიური ნიმუშების კონფირმაციული კვლევა	
2.1	სისხლში აივ ანტისხეულების განსაზღვრა იმუნობლოტინგის მეთოდით	116
2.2	სისხლიში აივ დნმ (რნმ) თვისობრივი განსაზღვრა პოლიმერიზაციის ჯაჭვური რეაქციის (პჯრ) მეთოდით	198.15

№

3. აივ ინფექცია/შიდსით დაავადებულთა უზრუნველყოფა ამბულატორიული და სტაციონარული დახმარებით

№	მომსახურება	ერთეულის ფასი ლარებში
---	-------------	-----------------------

1	შიდსი(ამბულატორიული მომსახურება)	
1.1	პირველი ვიზიტი	400
1.2	განმეორებითი ვიზიტი	266
1.3	მკურნალობა	379
1.4	ინსტრუმენტული დიაგნოსტიკა	75
1.5	ანტირეტროვირუსული მკურნალობის მონიტორინგი	52
1.6	ექიმის ვიზიტი პაციენტთან	20
2	შიდსი (სტაციონარული მკურნალობა)	2 558

№

მუხლი 7. პროგრამის ბიუჯეტი

«საქართველოს 2009 წლის სახელმწიფო ბიუჯეტის შესახებ» საქართველოს კანონის შესაბამისად, პროგრამის ბიუჯეტი განისაზღვრა 2 000 000 ლარით, შემდეგი ცხრილის შესაბამისად:

№	ღონისძიება	ბიუჯეტი (ლარებში)
1.	აივ-ინფექცია/შიდსით მაღალი რისკის ჯგუფის პირთა ნებაყოფლობითი კონსულტირება და კვლევა	418 880
2.	აივ-ინფექცია/შიდსით დაავადებულთა უზრუნველყოფა ამბულატორიული და სტაციონარული მომსახურებით	1 581 120
	სულ	2 000 000